

KENYATAAN MEDIA

SWM ENVIRONMENT BERSEDIA MENJALANKAN TUGAS PADA CUTI PERAYAAN TAHUN BARU CINA

SEREMBAN, 17 JANUARI 2022 – SWM Environment Sdn Bhd (SWM Environment) telah bersiap siaga dengan menyusun jadual, kenderaan dan tenaga kerja yang mencukupi bagi memastikan kerja-kerja kutipan sisa pepejal dan pembersihan awam semasa cuti perayaan Tahun Baru Cina berjalan lancar bermula 22hb sehingga 24hb Januari 2023.

Pengurus Besar Korporat SWM Environment, Mohd Norlisam Bin Mohd Nordin memberitahu bahawa pihak operasi SWM Environment telah mengkoordinasikan sejumlah 1,270 pekerja dan 247 buah kenderaan serta jentera bagi melaksanakan perkhidmatan kutipan sisa pepejal pada 22hb dan 23hb Januari. Menurutnya lagi, pada hari ketiga perayaan, semua pekerja operasi kutipan sisa pepejal dan pembersihan awam akan kembali bertugas seperti biasa mengikut jadual yang telah ditetapkan.

“Kami menjangkakan akan terdapat peningkatan jumlah sisa pepejal sempena musim perayaan dan pihak syarikat telah mengambil langkah-langkah persediaan sebelum, semasa dan selepas sambutan perayaan Tahun Baru Cina. SWM Environment akan memastikan semua lokasi tong sampah berpusat (39), rumah flat (30), pantai (18) dan lokasi rekreasi serta tumpuan pengunjung akan diurus dengan sebaiknya agar tiada isu limpahan sisa pepejal”. Jelasnya lagi.

SWM Environment meminta orang ramai untuk memberikan kerjasama dengan tidak meletakkan sebarang halangan terutamanya kenderaan mereka di laluan utama lori kompaktor dan lori terbuka bagi melancarkan pergerakan kenderaan yang beroperasi ketika musim perayaan.

Dalam kemeriahan menyambut sambutan Tahun Baru Cina bersama keluarga tersayang, SWM Environment menggalakkan orang ramai untuk mengamalkan pengasingan sisa sampah dan kitar semula bagi mengurangkan janaan sisa ke tapak pelupusan sampah. Barangan kitar semula yang dikumpulkan boleh dihantar ke Pusat Pandu Lalu KITAREcycle SWM Environment bertempat di Wisma MBS, Majlis Bandaraya Seremban.

Bagi sebarang pertanyaan lanjut berhubung perkhidmatan SWM Environment, orang ramai boleh menghubungi terus talian Indahkan Malaysia 1-800-88-7472 atau melalui aplikasi WhatsApp di nombor 012-618 0082.

-TAMAT-



MENGENAI SWM ENVIRONMENT SDN. BHD.

SWM Environment Sdn. Bhd. (SWM Environment) adalah syarikat konsesi yang menyediakan perkhidmatan pengurusan sisa pepejal dan pembersihan awam di negeri Johor, Melaka dan Negeri Sembilan sejak tahun 1995, melalui perjanjian konsesi yang dikawal di bawah Akta Pengurusan Sisa Pepejal dan Pembersihan Awam Negara (Akta 672).

Sebagai syarikat konsesi terbesar di Malaysia, SWM Environment, melalui tenaga kerja yang seramai 12,000 orang, berkhidmat kepada 27 pihak berkuasa tempatan, 1.5 juta premis kediaman dan komersial dengan lebih daripada 5.1 juta orang bagi liputan geografi 28,500 kilometer persegi. Untuk maklumat korporat yang lebih lanjut, sila layari laman web: www.swmenvironment.com.

Dalam usaha mengurangkan sisa janaan ke tapak pelupusan sampah, SWM Environment secara giat mempromosikan program-program alam sekitar yang berimpak tinggi seperti Pengasingan Sisa Pepejal Di Punca (SAS), kitar semula dan pengkomposan sisa makanan demi meningkatkan kesedaran awam di kalangan masyarakat umum.

Pada 2018, SWM Environment telah memperkenalkan program kitar semula berganjarannya, KITAREcycle, di ketiga-tiga negeri selatan Semenanjung Malaysia. KITAREcycle menggalakkan orang ramai untuk mengitar semula dan menerima mata ganjaran untuk lebih daripada 25 jenis barangan kitar semula yang termasuk kertas, tin aluminium, plastik, sisa elektrik dan elektronik. Mata ganjaran yang terkumpul boleh ditebus secara tunai melalui perbankan dalam talian. Orang ramai boleh memuat turun aplikasi KITAREcycle melalui *Apple Store* dan *Google Play Store*. Sila layari laman web: www.kitarecycle.com untuk mendapatkan maklumat lanjut.

Untuk keterangan lanjut, sila hubungi:

Puan Nurul Liza Binti Mohd Najib

Penolong Pengurus

Jabatan Komunikasi Korporat & Hal Ehwal Kerajaan

SWM Environment Sdn. Bhd. (Pejabat Wilayah Negeri Sembilan)

Tel : 06 – 6014280/ 012 – 684 7168

E-mel : nurulliza.najib@swmsb.com